

www.BibleForChildren.org


मत्ती ८



सोमरेमाकुनु गालील अञ्चलला काना भिबा नाम्सारी ब्याह
गिक मुबा। थेरी येशूला आमाएनोन मुबा। थे ब्याहरी येशूदेन
येशूला चेलागदेदाएर्नान निम्तो पिन्बा मुबा।



अडगुरला निडगु जिन्माहेन्से येशूला आमासे येशूदा
“थेनीगदेदेन छ्याम अडगुरला निडगु आरे” भिसी भिजी।
जमाहेन्से येशूला आमासे नोकरगदेदा “येशूसे एनीगदेदा जे
लउ भिसी कुल्ला, थेनोन लउ” भिसी पाड्जी।



येशूसे थेरी मुबा नोकरगदेदा “चु जम्मान फम्बारी
क्युड प्लिङ्ना लउ” भिसी कुल्जी। जमाहेन्से
थेनीगदेसे थे जम्मान फम्बा नाड नाड क्युड
प्लिङ्ना लजी। ओच्छे येशूसे थेनीगदेदा “चु
जजाकर भोर्सी भोजला मुल म्हिदा म्यहाड्पुङ्गो”
भिसी कुल्जी। जमाहेन्से थेनीगदेसे
भोर्सी मुल म्हिदा पिन्जी।



मुल म्हिसे म्हाइबा धुइरी थे क्युइ अडगुरला निडगु दोसी
जिन्बा मुबा। थेदा थे निडगु खानडग्याम भजी भिबां ताम था
आरेबा, तर थे क्युइ युबा
नोकरगदेदा चा थां मुबा।
जमाहेन्से थे मुल म्हिसे
म्हाछारदा इयोइसी, “जम्मान
म्हिसे डाच्छा अडगुरला
ज्यबा निडगु पिन्मुला।”



“ओच्छे डोन्बोगदे इयोइमाहेन्से
लिच्छा अडगुरला आज्यबा
निडगु पिन्मुला। तर एसे मी
दान्दे धोनान ज्यबा निडग
पिन्बान मुला” भिसी भिजो।





येशूसे लबा उदेकला गेगदे न्हडरी गालील अञ्चलला काना
भिबा नाम्सारी लबा उदेकला गे चा जम्मान
भन्दा डाच्छा लबा हिन्ना। चु
उदेकला चिनुग्याम येशूसे
हाडला शक्ति उन्जी। चु
माड्सी थेला चेलागदेसे
थेदा विश्वास लजी।



येशू पत्रुसला दिमरी धोखमाहेन्से पत्रुसला
स्युमी छ्वा खसी म्हेसी चिबा म्हाङ्गी।



चु म्नाड्सी येशुसे थेला यारी थुर्जी, ओच्छे थेला छवा म्हाजी।
जमाहेन्से थे रेःसी येशूदा क्योड्बारी छ्याइजी।



जमाकुनु इयसे धिनी घल्माहेन्से म्हिगदेसे ल्हानान आखम्बा
म्हिदेन म्हडसे स्याप्बा म्हिगदेदा येशू मुबा ग्लारी भजी।

ओच्छे नाम्साला जम्मान
म्हिगदे दिमला खाडगारी
हुप तजी।




येशूसे ल्हानान खाल्ला रोगसे आखम्बा म्हिगदेदा खम्ना
लजी। ओच्छे ल्हानान म्हिला ल्हङ्ग्याम म्हड ताप्जी। येशू
खाल भिबा ताम थे म्हडगदेसे डैसेबासे लमा येशूसे
थेनीगदेदा ताम पाङ्आपुङ्नी।




थेतबासेलमा जम्मान म्हिगदेसे येशूदा थुर्बारी म्हाइमुबा।
तिग्दा भिसम येशूदेन छ्याम म्हिगदेदा खम्ना लबा शक्ति
मुबा। थे शक्तिग्याम रोगसे स्याप्बा जम्मान म्हिगदे खम्जी।



थेनोन धुइरी गोर बलि म्हिसे काड या चलब आतबा कुज्या
म्हि गिकेदा पुइसी येशू मुबा ग्लारी भजी।



तर म्हिला हुलसे लमा थेनीगदेसे थे
कुज्या म्हिदा येशु मुबा ग्लारी धोना लबारी
आखम्नी। थेतबासैलमा थेनीगदेसे थे
दिमला छाना होकसी थे कुज्या
म्हिदा थेला तीबा नान्बादेन
छ्यामनोन येशुला
डाच्छापट्टि धोना
लजी।




येशूसे थे म्हिगदेला विश्वास माड्सी कुज्या म्हिदा “कोला,
एला पाप माफ तबा मुला” भिसी
सुड्जी। “तर च्यागो, परमेश्वरसे
पड्खबा म्हिदा चु जम्बुलिडरी
म्हिगदेला पापला दोष
मेटब लबा अधिकार
मुला भिबा ताम डाइ
एनीगदेदा उन्ना।”
जमाहेन्से येशूसे थे
कुज्या म्हिदा
“ए रेःगो, ओच्छे एला
तीबा नान्बा पड्सी
दिमरी निउ” भिसी
सुड्जी।



जमाहेन्से येशू दोंगारी क्रेःजी, ओच्छे थैला चेलागदेएनोन
थेदेन छ्यामनोन निजी। निबान लमा
तिकखुरीन समुन्दरी घेन लाबालुडसर
खजी। ओच्छे समुन्दरी छाल रेःसी
छालसे दोंगा प्लिड्बारी
छ्याइजी। तर थे धुइरी
येशू चा सिंहम्बा मुबा।



जमाहेन्से येशूसे थेनीगदेदा “एनीगदे तिग्दा लोड्बा? खाइ एनीगदेला विश्वास?” भिसी सुड्जी। ओच्छे येशू रेःसी लाबालुडसरदेन समुन्द्रला छालदा बड्जी। जमाहेन्से लाबालुडसर म्हासी शान्त तजी। चुहड् तबा माड्सी थेनीगदे उदेक तजी। ओच्छे थेनीगदेसे “चु खाहड्बा म्हि? चुसे कुल्बा ताम मी लाबालुडसरदेन समुन्द्रला छालसेनोन ड्यान्बा चीम” भिसी हाड हाड न्हडरी ताम लजी।



तिग्दा भिसम परमेश्वरसे जम्बुलिडदा
ल्हानान माया लसी हाडला गिक जेन झा
पुइखजी। थेदा विश्वास लबागदे खालै नाश
थातगै, तर जुकजुकधोनाला जुनी याङ्गै
भिसीन चुह्ण्ड लबा हिन्ना।



रोमी 3:23

तिग्दा भिसम जम्मान म्हिगदेसे पाप लबा मुला, ओच्छे
परमेश्वरला घेन यहालग्याम थारेड तबा मुला।

रोमी 6:23

तिग्दा भिसम पापसे पिन्बा ज्याला चा काल हिन्ना, तर
परमेश्वरसे ओहड्णोन पिन्बा मोलम चा यहाडला प्रभु येशू
ख्रीष्टग्याम याड्बा जुकजुकधोनाला जुनी हिन्ना।

हिब्रू 9:27

म्हि तिरेम सिनोन तोःला, ओच्छे सिमाहेन्से परमेश्वरसे थेला
निसाफ लला।



एफिसी 2:8,9

तिग्दा भिसम परमेश्वरला दयामायाग्याम य्हाडला विश्वाससे लमान य्हाडसे थार्बा याड्बा हिन्ना। चु चा एनीगदेसे लबा गेग्याम आहिन, तर परमेश्वरसे पिन्बा मोलमग्याम हिन्ना। म्हिसे लबा गेग्याम थार्बा याड्बा हिन्सम म्हि घमण्डी दोसेला मुबा।

रोमी 10:9,10

तिग्दा भिसम चुदे एसे येशूदान प्रभु हिन्ना भिसी पाड्बादेन परमेश्वरसेन थेदा सिबाग्याम सोना लबा हिन्ना भिसी सेमहेन्सेन विश्वास लजी भिसम ए थार्ला। तिग्दा भिसम ह्हाडला सेमहेन्से विश्वास लबा म्हिदा परमेश्वरसे ह्हाडदा सेम निबा म्हि हिन्ना भिसी सुड्ला, ओच्छे येशूदा प्रभु हिन्ना भिसी पाड्बासे लमान थेसे थार्बा याड्ला।



यूहन्ना 3:16,17

“तिग्दा भिसम परमेश्वरसे जम्बुलिडदा ल्हानान माया लसी हाडला गिक जेन झा पुइखजी। थेदा विश्वास लबागदे खालै नाश थातगै, तर जुकजुकधोनाला जुनी याङ्गै भिसीन चुहङ् लबा हिन्ना। तिग्दा भिसम परमेश्वरसे हाडला झादा जम्बुलिडदा सजाय पिन्बारी पुइखबा आहिन। तर थेग्याम जम्बुलिडसे थार्बा याङ्गै भिसी पुइखबा हिन्ना।

१ यूहन्ना 5:11-13

यहाडसे म्हाड्बा ताम चा परमेश्वरसे यहाडदा पिन्बा जुकजुकधोनाला जुनी हिन्ना। थे जुकजुकधोनाला जुनी चा परमेश्वरला झादेन छ्याम मुला। थेतबासेलमा जुन म्हिदेन छ्याम परमेश्वरला झा मुला, थेदेन छ्याम जुकजुकधोनाला जुनी मुला। जुन म्हिदेन छ्याम परमेश्वरला झा आरे, थेदेन छ्याम जुकजुकधोनाला जुनी आरे। परमेश्वरला झादा विश्वास लबा म्हि एनीगदेसे जुकजुकधोनाला जुनी याङ्बा मुला भिबा ताम था याङ्गै भिसीन डाइ चु ताम भिबा हिन्ना।



मत्ती 8-9; मर्कुस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Tamang Eastern NT (taj) © 2011, Wycliffe Bible
Translators, Inc. and Eastern Tamang Language Team.

<https://live.bible.is/bible/TAJWBT/MAT/1>

©2026 Bible for Children, Inc.

www.M1914.org

www.bibleforchildren.org

